



# Blätzlibajass- Schnitzelbangg 1933

Joppeldi . . . .

Mir Blätzlibajass gsehn, wie's goht  
Johruus-johry im grosse Rot;  
Dä Ydrugg bringt uns als in d'Hitze:  
Dass an wichtige Blätzli — Bajass sitzet!

Dr Bundesrot, dä losst sich flott a,  
In erschter Linie dr Her Motta:  
Dr brav Pacciardi mues sich drugge  
Wäge däm sym Gummirugge!

D'Zircher hänn 's ganz Johr Attraktionen:  
Aentwäder pflyffe blai Bohn  
Oder dr Piccard styggt mit heiterer Miene  
Oder 's segglet ai Drämmli ins ander ynel!

Sott je dr Piccard wider starte,  
Wär's uns e Gfalle, e ganz aparte,  
Wenn er d'Basler Regierig mit sich nähmt —  
Sooo hooch, dass si nimmen abekämt!

A la belle ville de Lausanne  
La Conférence du Désarmement — quelle pannel  
Les Délégués savent bien, quoi faire:  
La vie est dure, les femmes sont chere!

Uns het e Bueb gsait: 's Schuelgebätt  
Syg g'änderet worde — jetz syg's nätt!  
Vo dr Fasnacht a hätte jetz die Luuser:  
«Und vergib uns unsere Hauser!»

Mit em Schwobestadtbaumaischtersell  
Het Basel waissgott au kai Gfell —  
E faule Kaib hätt me nit brauche bitte:  
Mer hänn gaueg in unsere Brennerhitte!

D'Kino, die sinn grammet voll gsi:  
D'Vamp- und Gruselfilm sin doll gsi:  
Voll Angscht gryfft mängs noh fremde Bai  
Und — alles wägenem Franggestai!

Wo dr Felix sy Nejschtes Wärgg uffiehrt,  
Rieft e Muusigkenner uus ganz griehrt:  
«Die Dame Kobold — do git's nyt z'mugge —  
Das isch kai Dame — das isch e Guggel»

---

Kemmet alli am Sunntig z'Obe in grosse Muusig-  
saal zuem Schlussobe vo de Comité-Schnitzelbänk.